



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXXIX. Kurfürst Albrecht befreit das Karthäuser-Kloster bei Frankfurt von dem durch Nickel Hohendorff auf einen Theil der wüsten Feldmark Jahnswalde gemachten Anspruch, am 18. September 1472.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

LXXXIX. Kurfürst Albrecht befreit das Karthäuser-Kloster bei Frankfurt von dem durch Nickel Hohendorff auf einen Theil der wüsten Feldmark Jahnswalde gemachten Anspruch, am 18. September 1472.

Wir Albrecht, von gots gnaden Marggraue zu Brandenburg etc. —, Bekennen —, das vor vnser Rethe vor vnser beuelhung komen sein der Wirdig vnd Andechtig Ern Bernhart, prior des Closters Carthewser ordens, gots Barmhertzigkeit gnant, vor vnser Stat franckfurt gelegen, von sein vnd des gnanten Closters wegen an einen vnd Nickel hondorff von sein vnd ander seiner Bruder wegen, zu falkenhagen gefessen, alle vnser liebe getrewn des andern teils. Szo haben die gnanten hondorff die gnanten Carthuser angesprochen vmb eyn teyl der wüsten feltmarck zu Jhanfswalde, das die Ir pfant vnd widderkouff sein folde, dargegen der gnant prior vnd Carthuser sagten, Es were ir eygenthum, vnd legten des vor vnfers lieben Bruders Marggraue fridrichs seligen eygenthums briue, der clerlich Inheldt, das sy solchen teyl der feltmarcke des wüsten dorfs Jhanfswald mit ackern, holtzen, wessen, weyden, grefungen vnd aller zubehorung, als die nach lute deselben briues In seiner grenitz gelegen ist vnd die gnanten Bruder Carthuserordens von hanfen vnd poppen Bernfeld, gebrudern, gekauft, die das by Iren leben zu manlehn befessen vnd vor siner lieben vff der Carthuser behuff williglich verlassen haben, vnd darvff In der gnant vnser bruder die gantzlich vnd gar vereygent hat, nach lute seiner lieben briue: vnd nachdem die hondorffer kein bestendigkeit Im rechten nicht dargegen vorbrachten, darmit sy beweifseten, das solch teil der gnanten wüsten feltmarck Ir pfant vnd widderkouff were, Haben wir mit vnfern Reten zu recht erkant, das die Carthuser mit solchem vnfers Bruders seligen sursten briue Ire sache vollkomen sein vnd solchen teyl obenberuret zu eygenthum, nach laut Ires briues, vor die hondorffer egnant sollen vnd mogen vngehindert behalden. Czu urkunt mit vnserm anhangenden Insigel versigelt, vnd Geben zu Colln an der Sprew, am freitag nach Exaltationis Crucis, Nach Cristi geburt Vrtzehenhundert vnd darnach Im Zwey vnd siebentzigsten Jaren.

R. dmns. episcopus lubucensis Cancellarius.

Nach dem Copialbuche des Karthäuser-Klosters, No. 115 a.

XC. Das Karthäuser-Kloster vergleicht sich vor dem Official zu Lebus über ein Vermächtniß des Hauptmanns zu Lebus, Paul Sesselmann, am 22. April 1476.

Johannes wulfram, meyster der sieben freyen kunste, Pretzentor der pharkirchen zu lubufs vnd official zu franckenfordt, lubufs geflichtes, Bekennen vnd thun kunth ouffentlich In dissem brieffe Allen, dy en sehen vnd horenn lesen. das vor vns In gerichte sitzende personlich komen synt Bruder peter, Cartheuser awfs dem kloster zeu frankenfort vor dem gubnlichen thore, mit voller macht des priores vnd des gantzen Conuentes an eyne, vnd Caspar